

搞爛 Gag 激黝老闆？

祖兒用員工福利

晚晚睇霆鋒開騷



■祖兒於發布會上盡顯急才和搞怪性格，令全場捧腹大笑。

樂壇天后容祖兒昨日出席代言首飾記者會，對於同門謝霆鋒將會在啟德主場館開騷，祖兒笑言一直視對方為偶像，已自掏腰包買了多張門票，更稱會運用「員工福利」，每晚都入場欣賞，但就不會做表演嘉賓。

容祖兒昨日以代言人身份，到銅鑼灣英皇珠寶出席新系列首飾「SEE ME FLY」記者會，英皇集團主席楊受成博士專程到場。活動司儀問祖兒下一個首飾系列會選擇與關智斌(Kenny)還是謝霆鋒合作？她笑言：「Kenny，因為之前睇佢同衛詩雅嘅婚嫁首飾廣告，自己都想試吓同Kenny結婚。(霆鋒唔係你杯茶?)都想同霆鋒拉近距離，因為佢就嚟啟德開騷，方便擺飛。」再問下一個首飾系列想以歌名《越唱越強》還是《爭氣》命名？她笑言：「《爭氣》楊生做代言人，咁我揀《未知》，未知要等楊生示意，哈哈！」楊生搞笑扮黝說：「我好黝呀！竟然《爭氣》都唔揀。」祖兒笑言：「咁不如《還未》啦，還未出糧呀，講笑啫！」楊生笑言：「唔好亂講，影響股價。」引得全場大笑。



■祖兒與老闆楊受成關係似家人。

祖兒受訪時透露以歌曲《我的驕傲》歌詞「SEE ME FLY」為首飾系列命名，因覺得近年女性地位與信心愈來愈強：「大家睇住我工作歷程，成長都有高高低低，一路認識自己，過程有否定、懷疑、冇信心，但去到依家嘅階段，係我最鍾意嘅階段，依家嘅我會知道自己好嘅地方，唔會好似以前冇信心，內心係最好嘅推動力。」

計劃請小朋友睇《哪吒之魔童鬧海》

提到她笑指未出糧，祖兒笑言搞爛Gag，與老

闆關係似家人，對方平時很風趣，並強調公司多年來都準時出糧，更多冇少。問到為何不選霆鋒拍結婚廣告？祖兒笑言：「因為霆鋒係偶像，點會同偶像結婚？同Kenny嘅感情就可以轉化嚟結婚廣告，同埋頭貼頭影相，同Kenny會冇咁尷尬。如果同霆鋒，我驚俾佢一槌質落嚟！」她表示已自掏腰包買了多張霆鋒演唱會門票，但屆時會運用「員工福利」，每晚都入場支持，但就不會上台做嘉賓，因這個舞台是屬於霆鋒。她透露正籌備明年在港舉行演唱會，首選啟德：「50歲前一定成事。」

另外，祖兒首飾系列部分收益將會撥捐她的慈善基金，她計劃請小朋友入場欣賞內地大熱電影動畫《哪吒之魔童鬧海》。



■霆鋒的啟德演唱會一票難求。

資料圖片

許靖韻籌備新歌 目標香港開演唱會

英皇歌手許靖韻(Angela)日前於佛山完成今年巡演首站，她坦言非常不捨得佛山站的演出：「因為呢個巡演好似陪伴我都一至兩年，好似係我呢一段時間嘅精神食糧。所以每次見到歌迷都係一個期待。好多謝佢哋一路畀呢個期待我，多謝佢哋嘅陪伴。」談到今年計劃，Angela透露正製作新歌，目標是突破慘情歌路線：「想出慘情歌以外多啲唔同類型嘅作品，可能會係一啲比較Band Sound類型。」

此外，Angela透露今年目標之一是在香港開演唱會：「好多年冇嚟香港開騷，當然想啦！因為一路巡演時見到好多留言，問我幾時會有香港站？自己都好希望，我一路有同公司溝通，希望今年實現到。」



■許靖韻期待與香港歌迷見面。

龍婷歌衫主打女人味

■龍婷(右)與王靜都是鄧麗君的粉絲。



龍婷與中國原創音樂劇《愛上鄧麗君》女主角王靜，昨日出席《永遠的鄧麗君30周年紀念慈善交響音樂會》記者會，即場獻唱鄧麗君的歌曲。龍婷透露歌衫會以隆重及女人味為主，問到可會穿旗袍？她笑言：「未諗到，不過鄧麗君嘅日本發展時着嘅服裝，就算依家再着都有問題，因為時尚潮流係一個循環。」提到去年她與丘亞葵發生「Hello Kiss」事件，可有影響工作？她帶點愕然說：「工作還工作。」並透露月中會舉行新歌發布會，4月底則前往澳洲登台。

韋家雄演技超「煩」脫俗

無綫熱播劇《痞子無間道》踏入結局周，一眾綠葉演員繼續有發揮，前晚一集最搶鏡是飾演般鬥的韋家雄！劇情講述般鬥誤信費仁(周嘉洛飾)，苦練假秘笈「徐意神功」，結果走火入魔致不男不女，時而陰聲細氣時而粗聲粗氣，非常搞笑。韋家雄受訪時笑言多謝戴耀明及黃建東給予靈感：「因為監製同我想營造到呢對男女好煩，演演吓覺得戴耀明同黃建東嚟劇入面嘅角色夠晒煩，就決定以佢哋做原型，結果出嚟效果唔錯，至少凸顯到一男一女嘅分別。」



■韋家雄造型充滿喜感。